

شماره ۱

شماره ۱

فہرست.....	صحیفہ.....
تانشلیق.....	۳.....
حیدر بابایہ سلام.....	۴.....
خان نہ نہ.....	۲۳.....
تورکون دیلی.....	۲۷.....
بہجت آباد خاطرہ سی.....	۲۹.....
ایمان مشتریسی.....	۳۱.....
یاتا بیللمہ بیرم.....	۳۴.....
شاطر اوغلان.....	۳۵.....
گنٹمہ ترسا بالاسی.....	۳۷.....
پروانہ و شمع.....	۳۹.....
غم باسدی قلیانیمی.....	۴۰.....
بلالی باش.....	۴۲.....
ایمانلہ گنتدی.....	۴۴.....
جان آلیر ایندی.....	۴۶.....
آغیز یئمیشی.....	۴۸.....
دنیا نہ یالان تاپماجا دیر؟.....	۴۹.....
یار قاصدی.....	۵۱.....
گوزوم آیدین.....	۵۳.....
قرہ باسدی حکایہ نی.....	۵۵.....
مجنون.....	۵۶.....
چابالیر اورک سینم دە.....	۵۷.....
اویون اولدوق.....	۵۸.....
صابرین خوروزی.....	۵۹.....
انس و جن.....	۶۱.....
ننجه کئچدی عؤمرون؟.....	۶۲.....
یالنیز غریب!.....	۶۴.....
ہلال محرم.....	۶۵.....
تضمین.....	۶۸.....
سازلی شاعریمیز «خازن»ین روحینہ تقدیم.....	۷۰.....
ترکی.....	۷۱.....
یالان دنیا.....	۷۳.....
کلیسا نمازی.....	۷۶.....
سہندیم.....	۷۸.....

اولو تانرینین آدیلا


عزیز و حرمتلی اوخویانلار چوخ چوخ تشکر ائدیرم کی اؤز دیلینیز اوچون و اؤز شاعیروزه گؤرا بو کتابی آلیب و اوخیسوز . یقین کی سوزون تورکی شعره علاقه واروز و من بینا گؤرا چوخ چوخ سئوینیرم.

بو کیتاب بیزیم عزیز شاعیریمیز محمد حسین بهجت تبریزینین سئچیلیمیش اثرلری دی.کی من سوز اوچون و علاقه سی اولانلار اوچون PDF فرمتینه دؤندریمیشم و امید واریم کی ایستفاده ائده بیله سیز.

من چوخ سئویردیم کی بو کیتابی لاتین دیلینه یازام آما لاتین دیلین هله هله اوخویا بیله ن اولماز.امید واریم هاموز بیر گون لاتین دیلین اؤره نه سوز.چونکی بیزیم دیلیمیز لاتین الیفباسینان آرتیق اؤزون گؤرسه ده بیلیر.

من گلجه که ده چوخ کیتابلار اؤز خالقیم اوچون یاراداجام کی فارس لارین بو ظلم لرین کی نئچه ایلردی بیزیم حاققیمیزدا ائدیرلر بیر آز یئرین دولدورام.
بو کیتابین بیر نسخه سین ده موبایل اوچون و جاوا فرمتینه دؤنده ر میشم کی اونی یوکله مه که اوچون آشاغی دا کی وب لره گنده بیلسوز.
سانغولوز.

یارادان : سجاد کیانفر



tourk.blogfa.com

kiantak.blogfa.com

kian.skf@gmail.com

۰۹۳۶۵۲۳۰۸۴۶

یاشاسین آذربایجان...

حيدر بابا سلام

حيدر بابا ، ايلدير يملار شاخاندا
سئلر ، سولار ، شاققىلدييوب آخاندا
قىزلار اونلار صفة باغلييوب باخاندا
سلام اولسون شوكتوزه ، ائلوزه !
منيم دا بير آديم گلسين ديئوزه

حيدر بابا ، كهليك لرؤن اوچاندا
كول دييينن دوشان قالخوب ، قاچاندا
باخچالارون چيچكلنوب ، آچاندا
بيزدن ده بير مومكون اولسا ياد انله
آچيلميان اور كلري شاد انله

بايرام يئلى چارداخلاري بيخاندا
نوروز گولى ، قارچيچكى ، چيخاندا
آغ بولوتلار كؤينكلرين سيخاندا
بيزدن ده بير ياد ائلييه ن ساغ اولسون
دردلريميز قولى ديكلسين ، داغ اولسون

حيدر بابا ، گون دالوي داغلاسين !
اوزون گولسون ، بولاخارون آغلاسين !
اوشاخارون بير دسته گول باغلاسين !
يئل گلنده ، وئر گتير سين بوينا
بلكه منيم ياتميش بختيم اويانا

حیدر بابا ، سنون اوزون آغ اولسون !
دورت بیر یانون بولاغ اولسون باغ اولسون !
بیزدن سوزا سنون باشون ساغ اولسون !
دوئیا قضا-قدر ، اولوم-ایتیمدی
دوئیا بوئی اوغولسوزدی ، یئتیمدی

حیدر بابا ، یولوم سنن کچ اولدی
عومروم کنچدی ، گلمه دیم ، گنج اولدی
هنچ بیلمه دیم گوزلرون ننج اولدی
بیلمزیدیم دؤنگه لر وار ، دؤنوم وار
ایتگین لیکه وار ، آیریلیق وار ، اولوم وار

حیدر بابا ، ایگیت امک ایتیرمز
عومور کنچر ، افسوس بره بیتیرمز
نامرد اولان عومری باشا یئتیرمز
بیزده ، واللاه ، اونوتماریق سیزلری
گورنمسک حلال ائدون بیزلری

حیدر بابا ، میراژدر سسلننده
کند ایچینه سسدن - کویدن دوشنده
عاشیق رستم سازین دیلندیرنده
یادوندادی نه هؤلسک قاچار دیم
قوشلار تکین قاناد آچیپ اوچار دیم

شىنگىل آوا يوردى ، عاشىق آلماسى
گاھدان گىدوب ، اوردان قوناق قالماسى
داش آتماسى ، آلما ، ھىوا سالماسى
قالىب شىرىن يوخى كىمىن يادىمدا
اثر قويوب روھومدا ، ھەر زادىمدا

ھىدربابا ، قورى گۈلۈن قازلارى
گىدىكلرىن سازاخ چالان سازلارى
كت كۈشنىن پايىزلارى ، يازلارى
بىر سىنما پردە سى دىر گۈزۈمدە
تگە اوتوروب ، سىئر اندە رم اۈزۈمدە

ھىدربابا ، قرە چىن جاداسى
چووشلارىن گلر سسى ، صداسى
كربلىا گىدنلرىن قاداسى
دۈشسون بو آج يولسوزلارىن گۈزۈنە
تمدونون اويدوخ يالان سۈزۈنە

ھىدربابا ، شىطان بىزى آزدىرىب
مىھىتى اوركلردن قازدىرىب
قرە گۈنۈن سرنوشتىن يازدىرىب
سالىب خلقى بىر-بىرىن جانىنا
بارىشىغى بلىشدىرىب قانىنا

گۆز ياشينا باخان اولسا ، قان آخماز
انسان اولان بئلينه تاخماز
آمما حئييفه كۆر توتدوغون بوراخماز
بەشتيميز جەنم اولماقدادير !
ذى حجّه ميز محرم اولماقدادير

خزان يئلى يارپاخلارى تۇكنده
بولوت داغدان يئنيب ، كنده چۇكنده
شيخ الاسلام گۇزل سسين چكنده
نيسگيللى سۇز اوركلره دىردى
آغاشلار دا آلاها باش آيردى

داشلى بولاخ داش-قومونان دولماسين !
باخچالارى سارالماسين ، سولماسين !
اوردان كئچن آتلى سوسوز اولماسين !
دينه : بولاخ ، خيرون اولسون آخارسان
افقلره خمار-خمار باخارسان

حيدر بابا ، داغين ، داشين ، سره سى
كهليك اوخور ، داليسيندا فره سى
قوزولارين آغى ، بوژى ، قره سى
بير گئديديم داغ-دره لر اوزونى
اوخويئديم : چوبان ، قيتير قوزونى

حيدر بابا ، سولى يئرين دوزونده
بولاخ قئنيير چاي چمنين گوزونده
بولاغ اوتى اوزر سويون اوزونده
گوزل قوشلار اوردان گليب ، گچلر
خلوتليوب ، بولاخدان سو ايچلر

بيچين اوستى ، سونبول بيچن اوراخلار
ايله بيل كى ، زولفى دارار داراخلار
شكار چيلار بيلدير چيني سوراخلار
بيچين چيلر آيرانلارين ايچلر
بيرهوشلانيب ، سوننان دوروب ، بيچلر

حيدر بابا ، كندين گونى باتاندا
اوشاقلارون شامين ئيبوب ، ياتاندا
آي بولوتدان چيخوب ، قاش-گوز آتاندا
بيزدن ده بير سن اوللارا قصه ده
قصه ميزده چوخلى غم و غصه ده

قارى ننه گنجه ناغيل ديينده
كولك قالخيپ ، قاپ-باجانى دوينده
قورد گچينين شنگولوسون يينده
من قايديب ، بيرده اوشاق اولئيديم
بير گول آچيب ، اوندان سورا سولئيديم

عمّه جانين بال بلله سين ييه ردیم
سوئنان دوروب ، اوس دُونومی گييه ردیم
باخچالاردا تيرينگنی ديه ردیم
آی اوزومی او ازديرن گونلريم !
آغاج مينپه ، آت گزديرن گونلريم !

هچي خالا چايدا پالتار يوواردی
ممد صادق داملارینی سوواردی
هئچ بيلمزدیک داغدی ، داشدی ، دوواردی
هریان گلدی شیلاغ آتیب ، آشاردیق
آلاه ، نه خوش غمسيز-غمسيز يشاردیق

شيخ الاسلام مُناجاتی ديه ردی
مشدرحيم لباده نی گييه ردی
مشد آجلی بوز باشلاری ييه ردی
بیز خوشودوق خيرات اولسون ، توی اولسون
فرق ائلمز ، هر نولاجاق ، قوی اولسون

ملک نیاز ورنديلين سالاردی
آتین چاپوپ قنيقاجيدان چالاردی
قيرقی تکين گديک باشين آلاردی
دولائيا قيزلار آچيپ پنجره
پنجره لرده نه گوزل منظره !

حیدر بابا ، کندین توپون توتاندا
قیز- گلینلر ، حنا- پیلته ساتاندا
بیگ گلینه دامنان آلما اتاندا
منیم ده او قیزلاروندا گوزوم وار
عاشیقلارین سازلاریندا سوزوم وار

حیدر بابا ، بولاخلارین یارپیزی
بوستانلارین گول بسری ، قارپیزی
چرچیلرین آغ ناباتی ، ساققیزی
ایندی ده وار داماغیمدا ، داد وئرر
ایتگین گئدن گونلریمدن یاد وئرر

بایرامیدی ، گنجه قوشی اوخوردی
آداخلی قیز ، بیگ جورابی توخوردی
هرکس شالین بیر باجادان سوخوردی
آی نه گوزل قایدادی شال ساللاماق !
بیگ شالینا بایراملیغین باغلاماق !

شال ایسته دیم منده ائوده آغلادیم
بیر شال آلیب ، تئز بئلیمه باغلادیم
غلام گیله قاشدیم ، شالی ساللادیم
فاطمه خالامنه جوراب باغلادی
خان ننه می یادا سالیب ، آغلادی

حیدر بابا ، میرزہ ممدین باخچاسی
باخچالارین تورشا-شیرین آلچاسی
گلینلرین دوزمه لری ، طاخچاسی
هی دوزولر گوزلریمین رفینده
خیمه وورار خاطره لر صفینده

بایرام اولوب ، قیزیل پالچیق آزلر
ناققیش ووروب ، اوتاقلاری بزل
رطاخچالارا دوزمه لری دوزلر
قیز-گلینین فندقچاسی ، حناسی
هوسله نر آناسی ، قایناناسی

باکی چی نین سوزی ، سووی ، کانغیزی
اینکلرین بولاماسی ، آغوزی
چرشنه نین گیردکانی ، مویزی
قیزلار دییه ر : « آتیل ماتیل چرشنه
آینا تکین بختیم آچیل چرشنه »

یومورتانی گویچک ، گوللی بویاردیق
چاققیشدیریب ، سینانلارین سویاردیق
اویناماقدان بیرجه مگر دویاردیق ؟
علی منه یاشیل آشیق وئردی
ارضا منه نوروزگولی درردی

نوروز علی خرمندە ول سۇردى
گاھدان يئىنوب ، كۆلشلىرى كۇردى
داغدان دا بىر چۇبان ايتى ھۇردى
اوندا ، گۇردن ، اولاخ ايخ ساخلادى
داغا باخىب ، قولاخلاين ساخلادى

آخشام باشى ناخىرينان گلندە
قۇدوخلارى چكىب ، وورادىق بندە
ناخىر گىچىب ، گىدىب ، يىتندە كندە
حيوانلارى چىلپاق مينيپ ، قۇواردىق
سۇز چىخسايدى ، سىنە گرىب ، سۇواردىق

ياز گىجە سى چايدا سولار شارىلدار
داش-قىە لىر سىلدا آشيب خارىلدار
قارانلىقدا قوردون گۇزى پارىلدار
ايتلىر ، گۇردون ، قوردى سىچىب ، اولاشدى
قورددا ، گۇردون ، قالخىب ، گدىكدن آشدى

قىش گىجە سى طۇلە لىرىن اوتاغى
كتلىلىرىن اوتوراغى ، ياتاغى
بوخارىدا يانار اوتون ياناغى
شىچرە سى ، گىردكانى ، ايدە سى
كندە باسار گولۇب - دانىشماق سسى

شجاع خال اوغلوئون باكى سوقتى
دامدا قوران سماوارى ، صحبتى
يادىمدادى شسلى قدى ، قامتى
جوئممه گين تويى دوئدى ، ياس اولدى
ننه قيزين بخت ايناسى كاس اولدى

حيدر بابا ، ننه قيزين گوزلىرى
رخشنده نين شيرين-شيرين سوزلىرى
تركى دئديم اوخوسونلار اوزلىرى
بيلسينلر كى ، ادام گندر ، آد قالار
ياخشى-پيسدن انگيزدا بير داد قالار

ياز قاباغى گون گوئىيى دوينده
كند اوشاغى قار گوئته سين سوينده
كور كچى لر داغدا كورك زوينده
منيم روحوم ، ايله بيلون اوردادور
كهليك كيمين باتيب ، قاليب ، قاردادور

قارى ننه اوزاداندا ايشينى
گون بولوتدا ايبيردى تشينى
قورد قوجاليب ، چكديرنده ديشينى
سورى قاليب ، دولائيدان آشاردى
بايدالارين سوتى آشيپ ، داشاردى

خجە سلطان عمە دېشىن قيساردى
ملا باقر عم اوغلى تئز ميساردى
تندير يانيب ، تۇسى ائوى باساردى
چايدانيميز ارسين اۋستە قايناردى
قوور قاميز ساج ايچيندە اۋيناردى

بوستان پوزوب ، گتيررديك آشاغى
دولدوريرديق ائودە تاختا-طاباغى
تنديرلردە پيشيررديك قاباغى
اۋزۇن ئىيۇب ، توخوملارين چيتدارديق
چوخ يئمكدن ، لاپ آز قالا چاتدارديق

ورزغان نان آرموت ساتان گلندە
اوشاقلارين سسى دوشردى كندە
بیزدە بوياننان ائشيديب ، بيلندە
شىللاق آتيب ، بىر قيشقريق سالارديق
بوغدا وئريب ، آرموتلاردان آلارديق

ميرزاتاغى نان گنجە گئتديك چايا
من باخيرام سئلده بوغولموش آيا
بىردن ايشيق دوشدى اوتاي باخچايا
اي وای دئديك قورددى ، قئيتديك قاشديق
هئچ بيلمە ديك نه وقت كولوكدن آشديق

حیدر بابا ، آغاچلارون اوجالدى
آمما حئیىف ، جوانلارون قوجالدى
توخيلارون آرخلییب ، آجالدى
كۆلگه دۇندى ، كۆن باتدى ، قاش قردى
قوردون كۆزى قارانلىقدا برلدى

ئشیتىمیشم يانیر آلاھ چیراغى
داير اولوب مسجدیزون بولاغى
راحت اولوب كندین اتوى ، اوشاغى
منصور خانین الی-قولی وار اولسون
هاردا قالسا ، آلاھ اونا یار اولسون

حیدر بابا ، ملا ابراهیم وار ، یا یوخ ؟
مکتب آچار ، اؤخور اوشاقلار ، یا یوخ ؟
خرمن اوستى مکتبى باغلار ، یا یوخ ؟
مندن آخوندا يتيررسن سلام
ادبلى بیر سلام مالاكلام

خجه سلطان عمه گندیب تبریزه
آمما ، نه تبریز ، کی گلممیر بیزه
بالام ، دورون قویاخ گنداخ ائممیزه
آقا اولدى ، تو فاقیمیز داغیلدى
قویون اولان ، یاد گندوبن ساغیلدى

حیدر بابا ، دۇنيا يالان دۇنيادى
سليماننان ، نوحدان قالان دۇنيادى
اونغول دۇنغان ، درده سالان دۇنيادى
هر كيمسيه هر نه وئريب ، آليبدى
افلاطوننان بىر قورى آد قاليبدى

حیدر بابا ، يار و يولداش دۇندۇر
بىر-بىر منى چۆلدە قۇيۇپ ، چۆندۇر
چشمه لريم ، چىراخلاريم ، سۇندۇر
يامان يئردە گۇن دۇندى ، آخشام اولدى
دۇنيا منە خرابه شام اولدى

عم اونغلينان گئدن گئجه قىپچاغا
آى كى چىخدى ، آتلار گلدى اويناغا
دیر ماشیر ديق ، داغلان آشیر ديق داغا
مش ممى خان گوى آتىنى اويناتدى
تفنگىنى آشیردى ، شاققىلداتدى

حیدر بابا ، قره كۆلون دره سى
خشگنابىن يولى ، بندى ، بره سى
اورداد دۇش چيل كهليگين قره سى
اوردان گئچر يوردوموزون اوزونه
بیزده گئچك يوردوموزون سوزونه

خىشگنابى يامان گۈنە كىم سالىب ؟
سیدلردن كىم قىرىلىب ، كىم قالىب ؟
آمیرغفار دام-داشینی كىم آلیب ؟
بولاخ گنە گلیب ، گۈلی دولدورور ؟
ياقورویوب ، باخچالاری سولدورور ؟

آمیر غفار سیدلرین تاجییدی
شاهلار شكار ائتمە سی قیقا جییدی
مَرده شیرین ، نامرده چۇخ آجییدی
مظلوملارین حقى اوستە آسردى
ظالم لری قیلش تکین کسردى

میر مصطفا دایى ، اوجابوی بابا
هیكللی ، ساققاللی ، تولستوی بابا
ائیلردى یاس مجلسینی توی بابا
خىشگنابین آبروسی ، آردمی
مسجدلرین ، مجلسلرین گۈرگمی

مجدالسادات گۈلردى باغلار کیمی
گۈرۈلدردى بولوتلی داغلار کیمی
سۈز آغزیندا اریردی یاغلار کیمی
آلنى آچیق ، یاخشی درین قاناردى
ياشیل گۈزلر چیراغ تکین یاناردى

منيم آتام سفره لى بىر كىشىدى
اىل اليندن توتماق اونون ايشىدى
گۈزلىرىن آخره قالمىشىدى
اوننان سۇرا دۇترگه لر دۇنۇبلر
محبىتىن چىراخلارى سۇنۇبلر

مىر صالحىن دلى سولوق ائتمه سى
مىر عزيزىن شىرىن شاخسى گئتمه سى
مىر ممدىن قورولماسى ، بىتمه سى
ايندى دئسك ، احوالاتدى ، ناغىلدى
گئچدى ، گئتىدى ، ايتدى ، باتدى ، داغىلدى

مىر عبدولون آيناداقاش ياخماسى
جۇجىلرىن قاشىنىن آخماسى
بويلانماسى ، دام-دووردان باخماسى
شاھ عباسىن دۇر بونى ، يادش بخىر !
خشگنايىن خوش گونى ، يادش بخىر !

ستاره عمه نزيك لرى ياپاردى
مىر قادر ده ، هر دم بىرىن قاپاردى
قاپىپ ، يئىوب ، داچاتكىن چاپاردى
گولمه لىدى اونون نزيك قاپپاسى
عمه مينده ار سىنىنىن شاپپاسى

حیدر بابا ، آمیر حیدر نئینیور ؟
یقین گنه سماواری قئینیور
دای قوجالیب ، آلت انگینن چئینیور
قولاخ باتیب ، گۆزی گیریب قاشینا
یازیق عمّه ، هاوا کلیب باشینا

خانم عمّه میر عبدولون سۆزونی
ائشیدنده ، ایه ر آغز-گۆزونی
ملکامدا وئرر اونون اۆزونی
دعوالارین شوخلوغیلان قاتالار
اتی یئیوب ، باشی آتیب ، یاتالار

فضّه خانم خشگنابین گولییدی
آمیر یحیا عمقزینون قولییدی
رُخساره آر تیستییدی ، سؤگولییدی
سید حسین ، میر صالحی یانسیلار
آمیر جعفر غیر تلی دیر ، قان سالار

سحر تئزدن ناخیرچیلار گگردی
قویون-قوزی دام باجادا ملردی
عمّه جانیم کورپه لرین بلردی
تندیر لرین قوزاناردی توسیسی
چور کلرین گوزل اییی ، ایسیسی

گۆيرچينلر دسته قالخيب ، اوچالار
گون ساچاندا ، قيزيل پرده آچالار
قيزيل پرده آچيب ، ييغيب ، قاچالار
گون اوچاليب ، آرتارداغين جلالی
طبيعتين جوانلار جمالی

حيدر بابا ، قارلی داغلار آشاندا
گنجه کروان يولون آزيب ، چاشاندا
من هار داسام ، تهراندا يا کاشاندا
اوزاقلاردان گوزوم سئچر اونلاری
خيال گليب ، آشيپ ، گنچر اونلاری

بیر چيخئيديم دام قيه نين داشينا
بیر باخئيديم گنچميشينه ، ياشينا
بیر گورئيديم نه لر گلमيش باشينا
منده أونون قارلاريلان آغلاردیم
قيش دوندوران اور کلىرى داغلاردیم

حيدر بابا ، گول غنچه سی خنداندى
آما حئیفة ، اورک غذاسى قاندى
زندگانلىق بیر قارانلىق زينداندى
بو زيندانين دريچه سين آچان يوخ
بو دارليقدان بير قور تولوب ، قاچان يوخ

حيدر بابا گۈيلر بۇتۇن دوماندى
گونلر يميز بير-بيريندن ياماندى
بير-بيرۇزدن آيريلمايون ، آماندى
ياخشىلىغى اليميزدن آيبلار
ياخشى بيزى يامان گۇنە ساليبلار

بير سۇرۇشون بو قارقينميش فلكدن
نە ايستىۇر بو قوردوغى كلكدن ؟
دينە گۇچيرت اولدوزلارى الكدن
قۇى تۇكۇلسۇن ، بو يئر اۇزى داغىلسين
بو شيطانلىق قورقوسى بير بيغىلسين

بير اوچئيديم بو چيرپينان يئلينن
باغلاشئيديم داغدان آشان سئلينن
آغلاشئيديم اوزاق دۇشن ائلينن
بير گۇرئيديم آيرىلىغى كيم سالىدى
اۇلكە ميزدە كيم قيرىلدى ، كيم قالىدى

من سنون تك داغا سالىدم نەسى
سندە قنىتر ، گۈيلره سال بوسسى
بايقوشوندا دار اولماسين قفسى
بوردا بير شئر داردا قاليب ، باغيرير
مروّت سيز انسانلارى چاغيرير

حيدر بابا ، غيرت قانون قايناركن
قره قوشلار سنن قوپوپ ، قالخاركن
اوسيلديريم داشلارينان اويناركن
قوزان ، منيم همتميمي اوردان گور
اوردان ايبيل ، قامتيمي داردان گور

حيدر بابا . گنجه دورنا گنچنده
كور اوغلوئون گوزي قارا سچنده
قير آتيني مينيب ، كسيب ، بيچنده
منده بوردان تنز مطلبه چاتمارام
ايوز گليب ، چاتميونجان ياتمارام

حيدر بابا ، مرد اوغوللار دونگينان
نامردلرين بورونلارين اوغكينان
گديكلرده قوردلاري توت ، بوغكينان
قوي قوزولار آيين-شايين اوتلاسين
قويونلارون قويروقلارين قاتلاسين

حيدر بابا ، سنون گويلون شاد اولسون
دونيا واركن ، آغزون دولي داد اولسون
سنن گنچن تانيش اولسون ، ياد اولسون
دينه منيم شاعر اوغلوم شهر يار
بيير عمر دور غم اوستونه غم قالار

خان ننه

خان ننه حاياندا قالدین

بئله باشیوا دولانیم

نئجه من سنی ایتیردیم؟

دا سنین تاین تاپیلماز

سن اولن گون عمه گلدی

منی گه تدی آیری کنده

من اوشاق نه آنیپایدیم؟

باشیمی قاتیپ اوشاقلار

نئچه گون من اوردا قالدیم

قاییدیب گلنده ، باخدیم

نه اوزون ، ونه یئرین وار

حانی خان ننه م ؟ سوروشدوم

دئدیله ر کی : خان ننه نی

آپاریبلا کربلایه

کی شفاسین اوردان آلسین

سفری اوزون سفردیر

بیر ایکی ایل چکر گلینجه

نئجه آغلارام یانیخلی

نئچه گون انله چیغیردیم

کی سه سیم سینه م توتولدی

او من اولماسام یانیندا

ازو هئچ یئرہ گنده نمہ ز

بو سفر نولوبدو من سیز

ازی تک قویوب گندیبدی ؟

حاميدان آجيف ائده ركه ن

حاميا آجيفلى باخديم

سونرا باشلاديم كى : من ده

گئديره م اونون دالينجا

دئديله ر سنين كى تئزدي

امامين مزارى اوسته

اوشاغى آپارماغ اولماز

سن اوخى قرانى تئز چيخ

سن اونى چيخينجا بلکه

گه له خان ننه ن سفرده ن

ته له سيك راوانلاماقدا

اوخويوب قرانى چيخديم

كى يازيم سنه : گه ل ايندى

داحا چيخميشام قرانى

منه سووقه ت آل گلنده

آما هر كاغاذ يازاندا

آقامين گوزو دولاردي

سندھ كى گليب چيخمادين

نئچه ايل بو اينتيظارلا

گونو ، هفته نى سايارديم

تا ياواش ياواش گوز آچديم

آنلاديم كى سن اولوبسه ن

بيله بيلميه هنوزدا

اوره گيمده بير ايتيك وار

گوزوم آختارار هميشه

نه ياماندى بو ايتيكله ر

خان ننه جانيم ، نولئیدی
سنی بیرده من تاپایدیم
او آیقلار اوسته ، بیرده
دؤشه نیب بیر آغلایایدیم
قولی حلقه سالمیش ایپ ته که
او آیغی باغلایایدیم
کی داها گنده نمیئیدین

گنجه له ر یاتاندا ، سن ده
منی قوینووا آلاردین
ننجه باغریوا باساردین
قولون اوسته گاه سالاردین

آجی دونیانی آتار که ن
ایکیمیز شیرین یاتاردیق
یوخودا لولئی آتارکن
سنی من به له شدیره ردیم
گنجه لی ، سو قیز دیراردی
اؤزووی تمیزله یه ردین
گننه ده منی اؤپه ردین
هنچ منه آجیقلامازدین

ساواشان منه کیم اولسون
سن منه حاوار دوراردین
منی ، سن آنام دؤیه نده
قاپیب آرادان چیخاردین

ائله ایستیلیک او ایسته که
داها کیمسه ده اولورمو؟
اوره گیم دئییر کی : یوخ یوخ

او دە رین صفالی ایسته ک
سنیله گنڈیب توکه ندی

خان ننه ، اوزون دئییردین
کی : سنه بهشتده الله
وئر ه چه که نه ایستیورسه ن
بو سوزون یادیندا قالسین
قولونو اوزون وئریسه ن

ائله بیر گونوم اولورسا
بیلیسه ن نه ایسته ره م من ؟
سوزومه سدرست قولاق وئر
سه ن ایلن اوشاقلیق عهدین

خان ننه آمان ، نولئیدی
بیر اوشاقلیقی تاپایدیم
بیر ده من سنه چاتایدیم
سنیله ن قوجاقلاشایدیم
سه نیله ن بیر آغلاشایدیم
یئنیده اوشاق اولورکه ن
قوجاغوندا بیر یاتایدیم
ائله بیر بهشت اولورسا
داحا من اوز الله هیمدان
باشقا بیر سئی ایسته مه ز دیم

تبریز _ شهریار یئتمیش یاشیندا

فروردین ۵۵

تورگون دیلی

تورکین دیلی تکه سئوگیلی ایستکلی دیل اولماز
اوزگه دیله قاتسان بو اصیل دیل اصیل اولماز

اؤز شعرینی فارسا عربه قاتماسا شاعیر
شعری انشیدنلر اوخیانلار کسپل اولماز

فارس شاعیری چوخ سؤزلرینی بیزدن آپارمیش
صابر کیمی بیر سفره لی شاعیر پخیل اولماز

تورگون مثللی فولکلوری دنیادا تکه دیر
خان یورقانی کند ایچره مثل دیر میتیل اولماز

آذر قوشوننی قیصر رومی اسیر ائتمیش
کسری سؤزیدیر بیر بئله تاریخ ناغیل اولماز

پیشمیش کیمی شعرین ده گرگ داد دوزی اولسین
کند اهلی بیلر لر کی دوشابسیز خشیل اولماز

سؤزلرده جواهر کیمی دیر اصلی بدل دن
تشخیص وئرن اولسا بو قدر زیر - زیبیل اولماز

شاعیر اولا بیلمزسن ، آنان دوغماسا شاعیر
مس سن ، آبالام ، هر ساری کؤینک قیزیل اولماز

چوخ قیسسا بوی اولسان اولاسان جین کیمی شیطان
چوخ اوزون اولما کی اوزون دا عقیل اولماز

مندن ده نه ظاليم چيخار اوغولوم نه قيصاص چي
بیر دفعه بونی قان کی ایپک دن قزیل اولماز

آزاد قوی اوغول عشقی طبیعتده بولونسین
داغ - داشدا دوغولموش ده لی جیران حمیل اولماز

اینسان اودی دوتسین بو ذلیل خلقین ایندن
آلاهی سؤرسن ، بئله اینسان ذلیل اولماز

چوخ داکى سرابون سویى وار یاغ - بالى واردير
باش عرشه ده چاتدير سا ، سراپ اردبیل اولماز

ملت غمی اولسا بو جووقلار چؤبه دؤنمز
اربابلاریمیزدان دا قارینلار طیبیل اولماز

دوز واختدا دولار تاختا تاباق ادویه ایله
اوندا کی نه نه م سانجیلانار زنجفیل اولماز

بو «شعریار» ین طبیعی کیمی چیممه لی چشمه
کوثر اولا بیلسه دئمیرم ، سلسبیل اولماز

۱۳۴۸

بہجت آباد خاطرہ سی

اولدوز سایاراق گۈزلہ میشم ہر گنجہ یاری
گنج گلمہ دہ دیر یار ، یئنہ اولموش گنجہ ، یاری

گۈزلر آسیلی ، یوخ نہ قارالتی ، نہ دہ بیر سس
باتمیش قولانیم ، گۈر نہ دۈشورمکدہ دی داری

بیر قوش آییغام سۈیلیہ رہ ک ، گاہدان اییلدہ ر
گاہدان اونودا یئل دیہ لای لای ہوش آپاری

یاتمیش ہامی بیر اللہ اویاق دیر داہا بیر من
مندن آشاغی کیمسہ یوخ اوندان دا یوخاری

قورخوم بیدی یار گلمیہ بیدن یاریلا صبح
باغیریم یاریلار ، صبحوم آچیلما ، سنی تاری

دان اولدوزی ایستر چیخا ، گۈز یالواری چیخما
اؤ چیخماسادا اولدوزومون یوۋخدی چیخاری

گلمز ، تانیرام بختیمی ، ایندی آغارار صبح
قاش بئیلہ آغاردیقا داہا باشدا آغار

عشقین کی قراریندا وفا اولمیاجاقمیش
بیلیم کی طبیعت نیہ قویموش بو قراری

سانکی خوروزون سۈن بانئ خنجدی سوۋولدی
سینہ مدہ اورک وارسا ، کسپ قیردی داماری

ریشخندله قیرجاندى سحر ، سۇيله دى : دورما
جان قورخوسى وار ، هر كيم اوتوز مېش بو قمارى

اولدوم قارا گون آيرىلالى او سارى تۇلدىن
بونجا قره گونلردى ائدىن رنگىمى سارى

گۇز ياشلارى هر يۇردن آخار سا ، منى توشلار
درپايه باخار بللى دى چاپلارين آخارى

از بس منى ياپراق كىمى هيچرانلا سارالديب
باخسان اوزونه سانكى قىزىل گولدى قىزارى

محراب شفقده اوزومى سجده ده گۇردوم
قان ايچره غمىم يوخ ، اوزوم اولسون سنه سارى

عشقى واريدى «شهر يار» ين گوللى چيچكلى
افسوس قارا يئل اسدس خزان اولدى بهارى

آمان آلاہ یئنہ شیطان گلیب ایمان آپارا
قورویون ، قویمایون ایمانوزی شیطان آپارا

منیم ، اینسانلیغیمین گور نہ حیصاری یاوادیر
کی گونوز غول بیابان گلیر ، اینسان آپارا

خرمنی ساققیزا وئردیک نہ یامان چه رچی دی بو؟
هی گلیر کنده بیزه درد وئره درمان آپارا

چورک آلمیش الینہ آج نئجه طاقت گتیسین؟
ائله بیل یاز گئجه سی قیز گلیب اوغلان آپارا

قانلی دیرناقلار بیلان «اینگیلیس» ال قاتدی بیزه
باخیسان روس دا آرازدان کئچیر ، ایران آپارا

قارا طوفان کی داخلی خلقیله شوخلوق ائله مز
سئل گرک ائل داغیدا ، ائو بیخا ، ایوان آپارا

بو قارانلیق گئجه لرده قاپیمیز پیس دوگونور
نہ بیلیم بلکه اجل دیر دایانیب جان آپارا

آناما سؤیله بین اوغلون بیخیلیب سنگرده
تئلترین باس یاراما قویما منی قان آپارا

سقلی اوغرو تاپیلیمیشسا بو باشسیز یئرده
«شهریار» دان دا گرک بیر دولو دیوان آپارا

ياتا بيلمه بيرم

بو گنجه من كي ياتا بيلمه بيرم
باشي باشلاره قاتا بيلمه بيرم

يوخوسوزلوق مني قاتلاشديردي
من بو نامرده ياتا بيلمه بيرم

اوغري قالديردي قازان قابلاماني
كيم ال آتسين حاجاتا؟ بيلمه بيرم

اوغرونين كيم يئتيريبي اومباسينا
زيخليا بر زوپاتا بيلمه بيرم

آيلىق آلدوق ، كيرا وئرديك گئتدي
نه يئيه كي اي واي آتا! بيلمه بيرم

ده ده ميز يوخ كيمه چكمك باراتي
كيمي سالماخ باراتا بيلمه بيرم

جيب ده قالميشسادا بير بئش ماناتيم
نه آليم بئش ماناتا بيلمه بيرم

ده لي شيطان دئيري يورقاني سات
قيشدي ، يوقاندي ، ساتا بيلمه بيرم

قار دئير گل كيشي سن پامبوغ آتاق
كيشي ! من پامبوغ آتا بيلمه بيرم

هې گليې مندن آكبرلار شيتيلي
كيم ساليې مازى ماما بيلمه بيرم

زينديگانليق قوراتا بير شئى اولوب
نه يه لازم قوراتا بيلمه بيرم

بير سوموك دير كى بوغازلاردا قاليې
كيم آتا، يا كيم اوتا؟ بيلمه بيرم

قار ياغيشدا بو نه قوندوم كؤشدوم؟
نيه دوشدوك بو اوتا بيلمه بيرم

بو كيتابلار اؤزى بير آت يوكى دير
بونى كيم چاتسين آتا بيلمه بيرم

چايسيزام تاپمئيرام چاى پاكاتين
نه گليې بو پاكاتا بيلمه بيرم

هې سويوقدان قورويوب بيگه دورورام
كيمدى يئنگه موشاتا بيلمه بيرم

ال كى دوتمور يازام ال تاپماقدا
قلمه يا داواتا بيلمه بيرم

گئجه ميز صبح اولاجاق؟ يا هله وار؟
باخيرام هې ساعاتا بيلمه بيرم

قوش اوچار، آمما نه درمان ائله مک
داش ده کن قول قاناتا بیلمه بیرم

آی قداش لار! منه بیر ال یئتیرون
یوک اغیرلاشدی چاتا بیلمه بیرم

طبع شعریم دایانیب سونجوق آتیر
منده کی سونجوق آتا بیلمه بیرم

شاطر اوغلان

شاطر اوغلان گۇروم اللاه سنه وئرسين برکت
قوى اونين ياخشى النسين ، خميرين اللنين

چوخ پيشير ياخشى پيشير گۇيده فير يلدات كوره گى
منبر اوسته چۇرگين قوى قالانيب تللنسين

تنديرين طور تگين عرشيدن آلسين ايشيقي
ارسينون بئيرق احرار تگين ميللنسين

كاسييين قيسمتى يوخ ياغلى پلو دولشه ماغا
بو ياوران سنگكى بير قوى ساحاليب سئلنسين

غير تين قوربانى سن مشترينى تئز يولا سال
ائل ايچينده ياراماز آرواد اوشاق وئلنسين

قوى ايكى ريالليغى ساتسين خوزئين بير ماناتا
ديشى دوشموش قوجانين آغزى ندير ديللنسين؟

اؤ منيم شعريمه چوخ مايل اولان وردسته
دئنه:شاعير چوره گى قوى قوروسون گللنسين

من ليغير سا يئيه بيلسم ده فلوس لازيم اولار
بو سوسوز باغچا نه لازيم بو قدر بئلينسين؟

سارى يازليقدان اولان گللى قيزارميش سنگك
گرک آغزوندا اريك تك ازيليپ هللنسين

تهرانين غيرتي يوخ «شهر ياري» ساخلاما
قاچميشام تبريزه قوي ياخشي يامان بللنسين

باغچاميز فاسيد اوليب هر گول اكر سن آچماز
يئري داشليق دي گرک توپراقی غریبللنسين

مدعاسی چوخ اولان طبل تهی پر بادوخ
نئيله يک ضرناچينين بورنی گرک يئللنسين

بو گيجلنمه ده ن آی چرخ فلک سنده يورول
بو حياسيز گونه گؤزلر نه قدر زيللنسين

سعدی نين باغ گوليستاني گرک حشره قده ر
آلماسی سلله له نيپ خرماسی زنيبللنسين

لعنت او باد خزانه کی نيظامی باغينين
بیر ياوا گلبرين قويمادی کاکللنسين

آرزو جلگه لرینده بیز اکن مزرعه لر
ديه سن ساقه له نيپ، قوي هله سونبوللنسين

قصه چوخ، قافیه يوخ، آختاريرام تاپميورام
يئريدير «شهر يار» ين شعری ده تنبللنسين

تبريز - تير ماه ۱۳۳۷

گنٺمه ترسا بالاسی

اڏن وٽر توی گنجه سی من ده سنه دایه گلیم
ال قاتاندا سنه مششاطه، تماشایه گلیم

سن بو مهتاب گنجه سی سئیره چیخان بیر سرو اول
اڏن وٽر، من ده دالونجا سورونیب سایه گلیم

منه ده باخدین او شهلا گوزوله، من قاراگون
جرنتیم اولمادی بیر کلمه تمننایه گلیم

من جهنمه ده باش یاسدسقا قویسام سنیله
هنچ آییلمام کی دوروب جننت مأویه گلیم

ننه قارنیندادا سنله ائکیز اولسایدیم اگر
ایسته مزدیم دوغولیب بیر ده بو دنیا به گلیم

سن یاتیب جننتی رویاده گورنده گنجه لر
من ده جننت ده قوش اوللام کی او رویایه گلیم

قیتلیغ ایلر یاغیشی تک قورئییب گوز یاشیمیز
کوی عشقونده گرک بیرده مثلایه گلیم

سن ده صحرایه مارال لار کیمی بیر چیخ نولی کی
منده بیر صیده چیخانلار کیمی صحرایه گلیم

آلاهوردان سن اگر قورخمئیوب اولسان ترسا
قورخورام منده دؤنیب دین مسیحایه گلیم

شیخ صنعان کیمی دونقوز اوتاریب ایللرجه
سنی بیر گۆرمک ایچون معبد ترسایه کلیم

یوخ صنم آنلامادیم، آنلامادیم، حاشا من
بوراخیم مسجیدیمی سنله کلیسایه کلیم

گل چیخاق تور تجلایه سن اول جلوه ی تور
من ده موسی کیمی اول تور تجلایه کلیم

شیردیر «شعریار»ین شعری، الینده شمشیر
کیم دئییه ر من بئله بیر شیریله دعوايه کلیم

آذر آیی ۱۳۵۳

پروانہ و شمع

برق اولمادی قیزیم گئجه یانديردی لاله نی

پروانہ نین او دم ده باخیردیم اداسینه

گوردوم طواف کعبه ده یانديقجا یالواریر

سؤیلور: دؤزیم نه قدر بو عشقین جفاسینه؟

یا بو حجاب شیشه نی قالدیر کی ساورولوم

یا سؤندوریب بو فتنه نی باتما عزاسینه

باخدیم کی شمع سؤیله دی ای عشقه مدعی

عاشیق هاچان اولیب یئنه اؤز مدعاسینه

بیر یار مه لقادی بیزی بئيله یانديران

صبر ائيله یانديران دا چاتار اؤز جزاسینه

آما بو عشق آتشی عرشی دی، جاندا دیر

قوی یانديریب خۇدینی یئتیر سین خداسینه

غم باسدى قلیانیمی

قیشین قره قئییدی، آلیب منیم جانیمی
خور تدان دئییب قوجالیق، کسب منیم یانیمی

بو سیگاردا زه لی تک، دوشوب منیم جانیمما
دوداق دوداقه قویوب، سؤرور منیم قانیمی

سازاق سازین قوراراق، قولاخدی سانکی بورور
چکیبدی ایپلیگیمی، قیریبدی قیطانیمی

یئنه قیشین قوشونی، پاییز مارشین چالاراق
کردیمده وارسا بیچیر، لاله می ریحانیمی

«اوشودوم ها اوشودوم!» دئییر منیم دردیمی
کور سوتووین ایتیریب، آختاریر درمانیمی

پاییز لامیش زمی یم، وریان منه نه گرک
دؤنرگه دؤندره جک، دؤندوکجه وریانیمی

قوی چالخاسین بیزی بو، زمانه نئهره کیمی
منیم سودوم چوروییب، تورشاتسین آیرانیمی

هنر دیلین، قلمین، ایشدن سالان منی ده
ایشدن سالیب ایتیریب پاک آدیمی سانیمی

حیدر بابا یولی تک یول باغلانیب اوزومه
آوچی فلک آولاییب، سورویله جئیرانیمی

نازلى يارىم گنده لى، سۇنوب منىم چىراغىم
خان وارسادا نه كارى، ائوين كى يوخ خانىمى

يئتىم تگ اوز گۇزىمى نىبت باسيب، باساجاق
يامان قارىشديراجاق، سلقه مى سھمانىمى

نه ديز وار كى سورونىم، نه اوز وار كى قايىدىم
نه يوگه قاليپ، نه يابى، سويوبلا كروانىمى

ائلدن منى قوجاليق آزقين ساليپ، سالاجاق
ايتىردى تبرىزىمى، اودوزدى تھرانىمى

بىزىم ده چايخانامىز چاي توكرگه قوناقا
دولدوردى زرداب ايله، منىم ده فنجانىمى

قلىانلا «شھريار» يم غمى قالدير باقالىم
من ده خورولدادىرام، غم باسدى قلىانىمى

مھر آيى ۱۳۵۹

بلالى باش

يار كونومى گۇي اسكيه دوتدى كى دور منى بوشا
جوتچى گۇروبسن اؤكوزه، اؤكوز قويوب بيزوو قوشا

سن اللينى كنجيب ياشون، من بير اوتوز ياشيندا قيز
سؤيله گۇروم اوتوز ياشين نه نسبتى اللى ياشا

سن يئر قويدون باشووى من باشيما نه داش ساليم
بلكه من آرتيق ياشاديم نئيله مه لى دئديم: ياشا

بيرده بلالى باش نچون يانينا سوپورگه باغلاسين؟
بۇركى باشا قويان گرگ، بۇركونه ده بير ياراشا

بير ده كبين كسيلمه ميش، سن منه بير سۇز دئمه دين
يوخسا جهازيمدا گرگ گلئيدى بير حوققا ماشا

دئديم قضا گليب تاپيب، بير ايشيدى اوليب كنجيب
قوربانام اؤ آلا گۇزه، حيرانام اؤ قلم قاشا

منكه اؤزيمده بير گوناھ گۇر مه بييرم چاره ندير؟
پيس بشرين قايداسيدير، ياخشينى تاپسا دولاشا

دوستا مرووت ائتمه لى، دوشمنيلن كنجينمه لى
قايدا بودير، حيف دگيل بشر يولون آزيب چاشا؟

من ده سنين داي اؤغلووام، سن ده منيم بييم قيزى
گويول باخير سا گونشه، گۇزده گر كدير قاماشا

ايندى بيزيم مارال كيمي، اوچ بالاميز واردى، گرگ
آتا-آنا ساواشسادا بونلارا خاطر باريشا

هر كيشى يه عيالى ده، اؤز جانى تگ هؤروكله نيب
هديه ده اولماز ايله سين، عيالى قارداش قارداشا

بو دنيا بير يول كيميدير بيز آخرت مسافرى
كجاوله ده هاماش گرگ اؤز هاماشيلن ياناشا

آخرتى اولانلارين، دنياسى غم سيز اولمئوب
سئل دى گلر آخار كئچر، آما گرگ آشيب داشا

مثل دى: «يئر كى به رگ اولور اؤكوز اؤكوزدن اينجيبور»
هى دارتينيپ ايپين قيرا يولداشيلان بير ساواشا

بيزيم ده روزيگاريميز ياماندى، بيزده عيب يوخ
بلكه وظيفه دير بشر قونشولارينان قونوشا

حق حيات يوخ داها بيزلره، چؤخ بؤيوك باشى
زيندانيميز ادا حقيقيميز، بير باجا تاپساق، تاماشا

آما اونون شماتتى، آلاها خوش گلميوبن
گئئدى منيم حياتيمي ووردى داشا چيخدى باشا

ایمانله گنتدی

بیغدی خیر و برکت سفره سین، احسانله گنتدی
امن_ امانلیق دا یوکون باغلادی، ایمانله گنتدی

بیگ_ خان اولماز سا دئییه ر دیک اولاجاق کندیمیز آباد
او خراب کتده، و لاکن ائله بیگ_ خانله گنتدی

سیلو دایر اولالی، هر نه دگیرمان بیغیشیلدی
آمما خالص_ تمیز اونلاردا، دگیرمانله گنتدی

مستبد سلطانی سالدوق، کی اولا خلقیمیز آزاد
سونرا باخدیق کی آزادلیق دا او سلطانله گنتدی

بیر (بلی قربان!) اولوب ایندی بیزه مین بلی قربان
آمما خلعت وئرن او بیر بلی قربانله گنتدی

دوز مسلمانله دئیر دیک قولاغی توکلودی بدبخت
ایندی باخ گورکی او دوزلوکده مسلمانله گنتدی

وئرمه (صابر) دئدی، او دولما فسنجانی آخوندا
آغزیمیزداندا داد، او دولما فیسینجانله گنتدی

دئدی اینسانیمیز آزدیر هامی اینسان گرک اولسون
آمما اینسانلیغیمیزدا او آز اینسانله گنتدی

بو قدر دفتر و اسناد له، بیر حقه چاتان یوخ
حق وئر نلر (پیتگی) میرزا قلمدانله گنتدی

بیزه بیر دین قالا بیلیمیشدی میراث بیرده بو ایران
دین گئندده دئدی: تک گئتمه رم ایرانله گئتدی

ایسته دیکه قانلا یوواق اولکه میزین لکه سین، آما
اولکه میز خالیص اولوی لکه اولوب قانله گئتدی

یورقانی اوغری قاپاندا، دئدی ملانصرالدین:
نئیه سین چیلپاغیدی، اوغری دا یورقانله گئتدی

هاوا اینسانی بوغور باش باشا گاز کربنیک اولموش
یئل ده اسمیر، انله بیل یئل ده سلیمانله گئتدی

سو کرج ده ن «کلور» ایله گلی بو پاسلی دمیرده
گوره سن شاه سویی تک چشمه نه عنوانله گئتدی

تورکی اولموش قدغن دیوانیمیزدان دا خبر یوخ
«شهریار» ین دیلی ده وای دئییه، دیوانله گئتدی

جان آلیر ایندی

شیطان توکه دیب ایمانیزی، جان آلیر ایندی
آلاهدان آلان جانیزی، شیطان آلیر ایندی

قرآنیزی سلطانه آلمیشدی الیزدن
سلطانی ده یاپسین، اله قرآن آلیر ایندی

سلطانین ایله آلیب آنجاق، نه که وارین
بیردن (نه که وارین!) دئییه سلطان آلیر ایندی

باخ اؤز بالاسیندان کی دوغوب قانلا بئجرتمیش
چؤنموش نئچه مین نشتر ایلن قان آلیر ایندی

نایمیت سول ایله نه زیان وورسادا سابق
چؤنموش ساغ ایله، اونا تاوان آلیر ایندی

بیر عدده موجهید دی بو میداندا مسلم
بیر عدده ده شیطان دی کی میدان آلیر ایندی

بیر عدده (ساواک) نامیله اینسانلاری قیردی
بیر عدده ده اینسان، ساواک عونوان آلیر ایندی

ایمان آلاق، عنوانی شیطانیدی، لاکین
جان آلمادا، عنوان مسلمان آلیر ایندی

سابق چتیش آلمیشسادا ایمانلاری الدن
افسوس اوخویوب جانلاری آسان آلیر ایندی

بو تايدا سهند اۆلڧو دئمك راحيم اۇ تايدا
دلال اجل پيلائيب اينسان آليز ايندى

قوى «شهر يار» ين مصراسى تكرر اولور اولسون:
شيطان توكه ديب ايمانيزى جان آليز ايندى

آغيز يۇمىشى

بىر گون آغيز قالى بوش، بىر گون دولى داد اولى
گون وار كى هنج زاد اولماز، گون وار كى هر زاد اولى

بختين دورا باخارسان، يادلار قوهوم قارداش دى
آمما بختين ياتاندا، قوهوم قارداش ياد اولى

چاليش ادين گلنده، رحمت اوخونسين سنه
دنيادا سندن قالان آخىردا بىر آد اولى

گوردون ايشين اگىلدى، دورما، اكيل گوزدن ايت
دوستون گوزه ر داريخار، دوшمن گوزه ر شاد اولى

دنيا نه يالان تاپماجادير؟

ايل گنچدى باهار اولدى خبر يوخ گولوموزدن
گول اچمادى، قووزانمادى سس بولبولوموزدن

بايرام گونوموز ياسلى گوروشله رله گنچرکن
شادليق نه اوماق بيز اييميزدان، ايليميزدن

تقويم آلا بيلمم اله گوردوم منه تقويم
گوزدانغدى كى «تقويمى» ده گنتدى ايليميزدن

بيز باغچاميزى بئلييه بيلليك؟ داها هيئات
نايميد اجلين بئلدارى وورموش بئليميزدن

«تقويمى» اولارداندى كى، ياددان چيخا بيلمز
ياددان نئجه چيخسين آدى دوشمور ديليميزدن

ائل ايچره باشى بير يئر هاهدان او بيغاردى
او گنتدى بيغينجاق دا بيغيشدى ائليميزدن

يولداش سپه لندى ائله بيل سام يئلى اسدى
سرسام دى قالان بيزلره بو سام يئليميزدن

دنيا نه يالان تاپماجادير باش چيخاران يوخ
بيز باش تاپاق آنجاق، بو قوبول، منقليميزدن

«تقويمى» كيمي دوز كيشى هيئات تاپيلماز
بير شمع دى كى كؤچدى بيزيم محفليميزدن

اوج نازلى بالا همسريه قاديلا باشسيز
يانساخدا اودال چكميه جكدير كولوموزدن

بیر (كافيه) اوندان باجاری يادگار اولسون
باش يولمادا بیر تئلدی قالان كاكلميزدن

ائل بيرده دئسين: «سئل سارانی قاپدی قاچیردی»
آغلاشدی بولودلاردا بو داشقین سئليميزدن

بیر مزرعه دير «شهریار» ين عومرو، نه حاصل
سئل، قويموری بیر چوپ ده قالا حاصلیميزدن

يار قاصدى

سن ياريمين قاصيدى سن
اگلش سنه چاي دئميشم

خياليني گؤندريب دى
بسكى من آخ واي دئميشم

آخ! گئجه لر ياتماميشام
من سنه لاي_ لاي دئميشم

سن ياتالى من گؤزومه
اولدوزلارى ساي دئميشم

هر كس سنه اولدوز دئيه
اوزوم سنه آي دئميشم

سندن سورا حياته من
شيريندى سه زاي دئميشم

هر گؤزلدن بير گول آليب
سن گؤزله پاي دئميشم

سنين گون تگه باتماغىوي
آي باتانا تاي دئميشم

ايندى يايا قيش دئيرم
سابق قيشا ياي دئميشم

گاه طویووی یاده سالیب
من ده لی نای_ نای دئمیشم

سونرا یئنه یاسه باتیب
آغلاری های_ های دئمیشم

عمره سورن من قارا گون
آخ دئمیشم، وای دئمیشم

گۆزوم آیدین

گۆزوم آیدین، گورورم سئوگیلی قارداشلاریمی
باسمیشام باغریما اؤز دوغما قارینداشلاریمی

آچمیشام قوللاری خلقیمله اوزوک حلقه سی تک
سالمیشام حلقه یه قیمتلی اوزوک قاشلاریمی

فلکین چرخینی سیندیرمیشام اول داشدا
اتگیمده هله ده ساخلامیشام داشلاریمی

آچمیشام قرنیمیزین باغلی قالان یوللارینی
تاپمیشام یوز سنه غربتده کی یولداشلاریمی

بو سلیمانندی یانیمدا گۆرسن من اینانیم؟
گاه آچیب گاه قییرام گۆزلریمی، قاشلاریمی

بیغیشین شنلیک انده که قرنیمیزین بایرامیدیر
سیل گۆزومدن بو یوز ایلدن بری گۆز یاشلاریمی

یوز یاشیم اولسادا اولسون یوخ اوزومده قیریشیم
جاوانام، کیم نه بیلیر گیزله دیرم یاشلاریمی

قوچی قوربانلاریمی کسدی وطن اویناشیمیز
قانیمی خیرات انده رکن یئدی بوز باشلاریمی

آنا اویناشینی غیرت گۆزی گۆرسه کور اولور
من نه گۆزه گۆره بیلم وطن اویناشلاریمی

گۈدە لىم قافقاز اوشاقلارنى تىلىل ائدە لىم
«شەرىار» ىم، دارا ساقلالىمى، ساشلار ىمى

قره باسدى حكايه نى

دونن گئجه جين لر قوشون چكديلر
من قور خودان جينقر يغم چيخمادى

يورقان اوستن منه سير يخ چكديلر
من ده كى سير تيخ، سير يغم چيخمادى

بيردن دوروب جيريخلارين چيخارتديم
كىمدى، دئسون من جيري يغم چيخمادى

مجنون

مجنون ایله من مکتب عشق ایچره اوخوردیق
من مصحفی ختم ائتدیم او ولیل ده قالدی

بیر گون ده ائشیتدیگ که دوشوب چولره مجنون
وللیل اولوب وئردی جوانکن ده قوجالدی

بیر گون ده خبر گلدی که وللیسی ایله
جان وئردی جهان ایچره یامان ولوله سالدی

چابالیر اورک سینم ده

آینایا باخاندا گۆردوم سققلیمه دن دوشوبدی
من که چوخ قوجالمامیشام، بیلیمیرم ندن دوشوبدی

هنر اولسا روح جاواندیر، هله_هله دوشگون اولماز
اوندا که گۆردون دوشوبسن، بو نفیر بدن دوشوبدی

اورایا که سن گئدیرسن، قویولار آپیبیدی آغزین
شیطانین توری یامان دیر، هر گلیب گئدن دوشوبدی

نه قدر باشین سلامت، ال آیاقدا باشسیز اولماز
آیاغا دمیر دوشنده، باشووا چدن دوشوبدی

قویودان که خلفه قازدین چیخا بیلمه سن سلامت
آدام اینجیدن بلایه، آدام اینجیدن دوشوبدی

چابالیر اورک سینم ده، باشی کسيلمیش تویوق تک
پیلله نی چیخاندا گۆردوم، سینه نغه دن دوشوبدی

سُرچه دن سیچاندان آرتیق توری بیز قوراندا دوشمز
آما شُر تورین قوراندا فیل یا کرگدن دوشوبدی

«شهریار» عدندن آیری، مرواری یئتیم قالاندا
یمن جنوبی دن ده، باخاسان عدن دوشوبدی

اويون اولدوق

ايتيميز قورد اولالى، بيزده قايتديق قويون اولدوق
ايت ايله قول_بويون اولدوق

ايت ايندن قايديب، قوردا دا بيز زاد بويون اولدوق
ايت ايله قول_بويون اولدوق

قوردوموز ديشلرينى هي قارا داشلاردا ايتيلتىدى
قويونون دا ايشى بيتدى

سون، سوخولدى سورويه، بير سورونى سؤكدى داغيتدى
اكيليب، ايت گنديب ايتدى

بيزده باخديق ايت ايله قورد آراسيندا اويون اولدوق
ايت ايله قول_بويون اولدوق

صابرین خوروزی

صبح خیالیله، خوروزلاندی کن
من ده هوپوب تک بیر آغیز بانلادیم

قالمادی سالیم منه ده قول قاناد
بانلاماغین من ده دادین آنلادیم

جوجه لریم گلمه دیلر باغریما
آغرینی آلدیم یانیما یانلادیم

باخ نئجه حیوان انله بیر لر منی؟
من نئجه بو حیوانی انسانلادیم؟

عاقیل اولوب، عقل منی دانلادی
عاشیق اولوب منده اونی دانلادیم

ال آتیب آلاه اتگین دوت دئدی
گور نئجه مشکل لری آسانلادیم

تهرانی، دجال منه تبریزله دی
من ده گلیب، تبریزی تهرانلادیم

قاپ قارا ظلمت گنجه نی سیزلاییب
صبحه قدر سورساتی سهمانلادیم

خلق او یاتدیم بو سینیق قلبیله
آلاها شیطانلاری، شیطانلادیم

كفر، مسلمانلارنى كافرله دى
من ده دئدويم: كفرى مسلمانلاديم

شكر اولامن ايسته ميشم ظلم ده ن
بهر پارا قاليم لرى پئشمانلاديم

باخ كى خوروز تكه آچيلاندا سحر
من ده آچيق سسله قوچاق بانلاديم

انس و جن

بار الها سن بيزه وئر بو شياطين دن نجات
اينسانين نسلين كسيب، وئر اينسه بو جين دن نجات

بيزدن آنجاق بير قالير سا، شيطان آرتيب مين دوغوب
هانسي روياده گوروم من بير تاپا مين دن نجات

بئش مين ايلدير بو سلاطينه گيريفتار اولموشوق
دين ده گلدی تاپماديق بيز بو سلاطين دن نجات

بیر یالانچی دین ده اولموش شیطانیں بیر مهره سی
دورو بیر دین وئر بیزه، وئر بو یالان دین دن نجات

هر دعا شيطان ائدير، دنيا اونا آمین دئيير
قوی دعا قالسين، بيزه سن وئر بو آمین دن نجات

ارسينی تندير لرین گوودوشلارين دا اوينا يير
کيمدی بو گوودوشلارا وئر سين بو ارسين دن نجات

یا کرم قيل کينلی شیطانیں اليندن آل بيزی
یا کی شیطانیں اوزون وئر بير جه بو کين دن نجات

اؤلدورور خلقی سورا ختمين توتوب ياسين اؤخور
با الها خلقه وئر بو حقه ياسين دن نجات

دينه قارشى (بابكى_ افشینی) بير دگان ائديب
بار الها دينه بو بابکدن افشين دن نجات

(ویس و رامین) تک بیزی رسوای خاص و عام ائدیب
ویس ده اولساق، وئر بیزه یا رب بو رامین دن نجات

شوروی دن ده نجات اومدوق کی بیر خیر اولمادی
اولماسا، چای ساندیغیندا قوی گله چین دن نجات

من تویوق تک، اؤز نینیمده دوستاغام ایلر بوئی
بیر خوروز یوللا تاپام من بلکه بو نین دن نجات

«شهریار» ین دا عزیزیم بیر توتارلی آهی وار
دوشمنی اهریمن اولسون، تاپماز آهیندن نجات

نۇجە كىچدى عۇمرون؟

بىر اوشا قلىقدا خوش اولدوم، اودا يئر_ كۇى قاچاق
قوش كىمى داغلار اوچوب، يئل كىمى باغلار كىچدى

سونرا بىردن قاتار آلتىندا قالىب اوستومدن
دئيه بىلمم نه قدر سئل كىمى، داغلار كىچدى

اور كىمدن خبر آلسان: «نۇجە كىچدى عۇمرون؟»
كۇز ياشىملا يازاق: «من گونوم آغلار كىچدى»

يالنيز غريب!

عزيم دويماديم سندن
نه تئز مندن دويوب گئتدين؟

اجل گلجک بو غربتده
منی يالنيز قويوب گئتدين!

هلال محرم

محرم دیر خانیم زینب عزاسی

بیزی سسلیر حسینین کربلاسی

یولی باغلی قالیب دوشمن اینده

داها زووارینین یوخ سس_صداسی

(بو گون کرب و بلا ویران اولوب دیر)

(حسین اؤز قانینه غلطان اولوب دیر)

چاغیر شاه نجف گلسین هرایه

جهاديله آچاق یول کربلايه

علی نین زولفقاری داده چاتسین

حسین قربانلاری گلسین منایه

(بو گون کرب و بلا ویران اولوب دیر)

(حسین اؤز قانینه غلطان اولوب دیر)

جهاد میدانی دیر، ملت دایانسین

مسلمان خواب غفلتدن اویانسین

اوجالسین نعره آلاه و اکبر

گرگ کافیر جهنم ایچره یانسین

(بو گون کرب و بلا ویران اولوب دیر)

(حسین اؤز قانینه غلطان اولوب دیر)

گلیب غیرت گونی همت زمانی
اوجالداق باشدا آذربایجانی

گئده که صدام کافرله جهاده
بیخاق بو بی مروت ائو بیخانی

(بو گون کرب و بلا ویران اولوب دیر)
(حسین اؤز قانینه غلطان اولوب دیر)

حسین زووارینین قورتاردی صبری
قیراق بو قوردلاری کافتاری ببری

آچاق یول کربلایه کاظمینه
چکک آغوشه او شش گوشه قبری

(بو گون کرب و بلا ویران اولوب دیر)
(حسین اؤز قانینه غلطان اولوب دیر)

گرگ دین اولماسا دنیانی آتماق
شرفه، عزتلی بیر دنیا یاراتماق

سعادت دیر حسین قربانلاری تک
شهادتله لقاء آلاسه چاتماق

(بو گون کرب و بلا ویران اولوب دیر)
(حسین اؤز قانینه غلطان اولوب دیر)

مسلمان صف چكيب دعوايه گلسين

چانغير عباسى تاسوعايه گلسين

قىزى زىنبه اوزى صاحيب عزادير

چانغير زهرانى عاشورايه گلسين

(بوگون كرب و بلا ويران اولوب دير)

(حسين اوز قانيه غلطان اولوب دير)

آنا! اوغلون شهيد اولدى مبارك

شهادتله سعید اولدى مبارك

اممید جنتین تاپدین دا سندن

جهنم نا امید اولدى مبارك

(بئله طوی کیم گوروب دنياده قاسیم)

(طوی یاسه دؤنن شهزاده قاسیم)

آنا! اوغلون علی اکبر فداسی

طوی قاسیم کیمی اولموش عزاسی

دوروب جنت قاپوسیندا گوزه تلیر

کی گل سینلر آناسی له، آتاسی

(بئله طوی کیم گوروب دنياده قاسیم)

(طوی یاسه دؤنن شهزاده قاسیم)

تضمین

حسینین نوحہ سین دلریش یازاندا
مسلمان سجدیر کی کافر آغلار

کور اولموش گۆزلرین قان دوتدی شمرین
کی گۆرسون اۆز الینده خنجر آغلار

حسینون کۆینگی زهرا الینده
چکر قیحا قیامت، محشر آغلار

آتاندا حرمله اوخ کربلاده
گۆرئیدین دوشمن آغلار، لشگر آغلار

قوجاغیندا گۆرئیدین ام لیلا
آلیب نعلش علی اکبر آغلار

رباب، نیسگیل دؤشوندہ سود گۆرنده
علی اصغری یاد ائیلر آغلار

باشیندا کاکل اکبر هواسی
یئل آغلار، سونبول آغلار، عنبر آغلار

یازاندا آل طاها نوحہ سین من
قلم گۆردوم سیزیلدار دفتر آغلار

علی، شقق القمر، محراب تیلیت قان
قولاغ وئر مسجد اوخشار منبر آغلار

علیدن «شهریار» سن بیر اشاره
قوجاقلار قبری مالک اشتر آغلار

تبریز ۱۳۵۸/۲/۲۶

سازلی شاعریمیز «خازن» ین روحینه تقدیم

سیزیلدار سینه مین سازی (درآمد) ائيله رم (شوری)
چوبانیم)سن ده (سلمک) له سیزیلدات تار طنپوری

(حسینی) کاکلین (عداری) گئتدی.نظمی نثر اولموش
چاغیر (شهناز)ینی.منظوم انده که بو شعر منثوری

(شکسته)قدی (آذربایجان) _ (دلکش) له قیلسون راست
(عراقی) _ (راک)دن اندیر فروذ دا.باغلا (ماهوری)

چال او (چارگاه) ایله (زابل)،(مخالفة) وارسا (مغلوب)ائت
(حصار) ایچره داریخدیم،قوی دارا چکسینله (منصوری)

سازوندا،سیملرین او تار زولغون تک اولوب ناجور
داراخ،مضرا به جور ائت،بلکه جور ائتسین بو ناجوری

سیزیلدات (دشتی) و (سارنگی) _ (ترک _ افشار) کیمی نی ده
(بیات کردی) چال،سون (اصفهان) کوک ایله سنتوری

(رهاپ) ایله (نوا) دن پنجه قوی (راس پنجگاه) اوسته
(مرکبخوان) اندیر محشر،قوی اسرافیل چالا سوری

(قارا باغیم) چیخیب الدن (سه گاهیم) قوی یئتیم اولسون
ایگیت لر یوردوسا بیر گون او جالسون طبل _ شیپوری

(همایون) دستگاه اولسون سازیندا «شهریار» یاد ائت
می ملت شاعری خازن بیزه یازمیش بو دستوری

ترکی

ترکی بیر چشمه ایسه، من اونى دریا ائله دیم
بیر سویوق معرکه نی محشر کبری ائله دیم

بیر ایشیلتییدی سها اولدوزی تگه گۆز سنمز
گۆز یاشیملای من اونى عقد ثریا ائله دیم

امیدیم وار کی بو دریا هله اقیانوس اولای
اونا ضامن بو زمینه کی محیا ائله دیم

عرفانا چاتماسا شعر و ادب ابقا اولماز
من ده عرفانه چاتیب، شعریمی ابقا ائله دیم

ابدیتله یانا شدیم دوغولا حافظه تایی
شیرازین شاهچرانغین تبریزه اهدا ائله دیم

ترکینی جانینی آلمیشدی حیا سیز طاغوت
من حیات آلدیم اونا حق ایچون احیا ائله دیم

فیض روح القدس اولدی مددیم حافظ تک
من ده حافظ کیمی اعجاز مسیحا ائله دیم

قمه قداره لر آغزیندا دیل اولمیشدی سو گوش
من سئوینج ائتدیم اونى، خنجری خرما ائله دیم

ایندی گریلرده گرزل صفله صفا ایله گزیر
منجلابلاردا اوزه ن اؤرده گی دورنا ائله دیم

باخ کی حیدر بابا افسانہ تک اولموش بیر قاف
من کیچیک بیر داغی سر منزل عنقا ائله دیم

بوردا (روشن ضمیرین) ده هنر یاد ائده لیم
من اونون دا قلمین طوطی گویا ائله دیم

نه تک ایراندا منیم ولوله سالمیش قلمیم
باخ کی ترکیه ده قافقازدا نه غوغا ائله دیم

باخ کی تهراندا نه فرزانه لر اولموش واله
باخ کی تبریزده نه شاعرلری شیدا ائله دیم

هم (سهندیه) سهندین داغین ائتدی باش اوجا
هم من اؤز قارداشیمین حقیقی ایفا ائله دیم

آجی دیلرده شیرین ترکی اولوردی حنضل
من شیرین دیلره قاتدیم اونی حلوا ائله دیم

هر نه قالمیشدی کئچنله ردن اونا بال په ته گی
اریدیب موملو بالین شهد مصفا ائله دیم

ترکی واللاه آنالار اوخشاغی لای لای دیلیدیر
دردیمی من بو دوا ایله مداوا ائله دیم

«شهریار»، حیف ساووخدیر بو دگیرمان هله ده
دارتماغا یوخدی دنی، من ده مدارا ائله دیم

يالان دنيا

سنين بهره ن يئيه ن كيمدير؟
كيمينكى سن؟ يه يه ن كيمدير؟
سنى دوغرى دئين كيمدير؟
يالان دنيا يالان دنيا

سنى فرزانه لر آتدى
قاپيب ديوانه لر توتدى
كىمى آلدى كىمى ساتدى
ساتان دنيا، آلان دنيا

آتى ازل داغا سالديق
يورولديقجا دالى قالديق
آتى ساتديق اولاغ آلديق
يه هر اولدى، پالان دنيا

بيري آينا بيري پاس دير
بيري آيدين بيري كاس دير
گنجه طوى دير سحر ياس دير
گول آچديقجا سولان دنيا

ايگيت لرین باشين يئيه ن
قوجالار بوژ باشين يئيه ن
قبير لرین داشين يئيه ن
اؤزو يئنه قالان دنيا

نە قاندىن، كىم گول اكه ن دىر
كىم قىلىچ تىك قان تۇگە ن دىر
تىمور ھلە كورە كە ن دىر
چىنگىز جانىن آلان دنيا

يامان قورقو بىغىلايدىن
طوفانلاردا بۇغولايدىن
نۇلئىدى بىر داغىلايدىن
بىزى دردە سالان دنيا

چاتىب سندن كۇچە ن كىچدى
اجل جامىن ايچە ن كىچدى
اولان اولدى كىچە ن كىچدى
نە اىستىردىن اولان دنيا

بوغولايدىن دۇغان يىردە
دۇغىبە خلقى بۇغان يىردە
اۇغول نەشىن اۇغان يىردە
آنا زولفىن يۇلان دنيا

قازانىب ھى تالانىب سان
قالانىب ھى جالانىب سان
ازلدە ن چالخالانىب سان
يىنە دە چالخالان دنيا

ننە قارنى ايلك بىشىگون
قبر يستانلىغ سۇن دىشىگون
نە ايچە رون نە اىشىگون
قارانلىق بىر دالان دنيا

سنى بايقوشلار آلقىشلار

ده لى ويرانه نى خوشلار

دولان عقله سنى بوشلار

ايچى بوشلا دولان دنيا

سنه قارونلار آللاندى

قىزىلدا تىللى قىلاندى

باتىب تلماته قويلاندى

اولوب تىللى تالان دنيا

اوجاق ايكه ن سؤنوموشسه ن

چاناق ايكه ن چؤنوموشسه ن

نه پيس قارى ننه ايميش سه ن

ناغىل، يالان پالان دنيا

کلیسا نمازی

چوخلار اینجیکدی کی، سن اونلارا نازایله میسن
من ده اینجیک کی، منیم نازیمی آز ایله میسن

اٹمیسن نازی بو ویرانه کونولده سلطان
اٹوین آباداولا، درویشه نیاز ایله میسن

هر باخیشدا چالیبان کیپرگی مضراب کیمی
بیر قولاق وئر، بوسینیق قلبی نه ساز ایله میسن؟

باشدان آچ یایلیغی، افشان ائله سوسن - سنبل
سن بیزیم بایراممیزسان قیشی یاز ایله میسن

سن گون اول، قوی غم میز داغدا قار اولسون، اریسین
منیم آنجاق ایشیمی سوز و گداز ایله میسن

من بو معناده غزل یازمالی حالیم یو خودی
سن جوجوق تک قوجانی فرفره باز، ایله میسن

کاکلی باشدا بوروب باغلامیسان تاج کیمی
او قیزیل ساچدان اونا، گوللی قوتاز ایله میسن

سینه بیر دشت مغان دیر، قوزی یان - یانه یاتیب
منیم آغلار گوزومی، اوردا آراز ایله میسن

بو گوزللیک کی جهاندا سنه وئر میش تانری
هر قدر ناز ائله سن ایله، کی آز ایله میسن

منی بو سوز یله آتدین، آرالاندین بیلیرم
آرانی بیر پارا نامردیله ساز ایله میسن

دستمآز ایله دیگین چشمه، مسیحا قانی دیر
بیلیمیرم هانسی کلیساده نماز ایله میسن؟

من عشیران اوخوسام، پنجه عراق اوسته گزه ر
گوزه لیم تورک اولالی ترک حجاز ایله میسن

تازا شاعر، بو ده نیز هر نه باخیرسان دیبی یوخ
چوخ اوزاتسان بو غازی، اورده گی قاز ایله میسن

بسکه زلفه و خط و خالین قوپالانین گوتدون
زلفعلی نین باشینی آزقالا داز ایله میسن

گل ! منیم ایسته دیگیم کعبه بیخیلماز، اوجالار
باشدادا کژ گنده سن ، دیبده تراز ایله میسن

خط و خالیندن آلیب مشقیمی قرآن یازارام
بو حقیقت له منی، اهل مجاز ایله میسن

منی، دان اولدوزی، سن یاخشی تانیرسان که سحر
افقی خلوت ائدیپ راز و نیاز ایله میسن

شهریارین داغیلیب، داغدا داشا دالدالانیب
ئوزون انصاف ایله، محمودی ایاز ایله میسن

سەندىم

شاھ داغىم، چال پاپاغىم، ائل داياغىم، شانلى سەندىم

باشى توفانلى سەندىم

باشدا حئيدر بابا تگ قارلا قىروولا قارىشىبسان

سون ايپك تئلى بولودلارلا اوفوقده سارىشىبسان

ساواشاركن بارىشىبسان

گۆيده ن ايلعام آلالى سىررى سماواتا دىيه رسن

هله آغ كوركو بورون، يازدا ياشيل دوندا گىيه رسن

قورادان حالوا يىيه رسن

دۇشلىرىنده سونلار تگ شوخ ممه لرده

نه سرين چيشمه لرین وار

او ياشيل تئللرى، يئل هۇر مه ده آينالى سحرده

ايشوه لى ايشمه لرین وار

قوى ياغيش ياغسادا ياغسين

سئل اولوب آخسادا آخسين

يانلار يندا دره لر وار

قوى قلم قاشلارین اوچسون فره لرله، هامى باخسين

باشلار يندا هره لر وار

سىلدىر يملار، سره لر وار

او اتك لرده نه قىزلار ياناغى لاله لرین وار

قوزولار او تلياراق نئیده نه خوش ناله لرین وار

آى كىمى هله لرین وار

گول- چىچكدن بزه ننده، نه گلینلر كىمى نازین

يئل اسنده او سولاردا نه درین رازونيازین

اوينيار گوللو قوتازین

تیتره يير ساز تئلى تگ شاخه لرین چايدا چمنده

يئل او تئلرده گزه نده، نه کور او غلو چالی سازين
اؤرده يين خلوت ائديب گؤلده پرى لرله چيمنده
قول-قاناددان اونا آغ هووله آچار قمزلى قازين
قيش گنده ر قوى گله يازين
هله نووروز گولو وار، قار چيچه يين وار، گله جکلر
اوزلرين تئز سيله جکلر

قيشده كهليك هوه سيله چؤله قاچديقدا جاونلار
قاردا قاققيلدا ياراق نازلى قلمقاشلارين اولسون
ياز، او دؤشلرده ناهار منده سين آچديقدا چوبانلار
بوللو سودلو سورولر، دادلى قاووتماشلارين اولسون

آد آليبر سنده ن او شاعير كى سن اوندان آد آلارسان
اونا هر داد وئره سن، يوز او موقابيل داد آلارسان
تاريدان هر زاد آلارسان
آداق اولدوقدا، سن اونلا داها آرتيق اوجالارسان
باش اوجالديقدا دماوند داغيندا باج آلارسان
شئر الينده ن تاج آلارسان
او دا شعرين، ادبين شاه داغيدير، شانلى سهنديم
او دا سن تك آتار اولدوزلارا شعريله كمندى
او دا سيمرغيدان آلماقدادى فندى
شعر يازاندا قلمينده ن باخاسان دور سپه لندى
سانكى اولدوزلار لندى
سؤز ديهه نده گؤره سن قاتدى گولو، پوسته نى قندى
ياشاسين شاعير افندى

او نه شاعير كى، داغين وصفينه ميصداق اونو گؤردوم
من سنين تك اوجاليق مشقينه موششاق اونو گؤردوم
عشقه، عشق اهلينه موششاق اونو گؤردوم
او نه شاعير كى، خيال مركبينه شو شيغيياندان

او نهنگ آت، آياغين توزلو بولودلاردا قوياندا
لوله لنمه گده دى يئر-گوى، نئجه تومار ساريياندا
گوره جكسن او زاماندا
نه زامان وارسا، مكان وارسا كسيب بيجدى بير آندا
كئجه جكلر، گله جكلر نه بوياندا - نه او ياندا
نه بيليم قالدى هاياندا؟

باخ نه حورمت وار اونون اوز دئميشى توک پاياندا
شهر يارين تاج ايميش باشى دورموش قاباندا
باشينا ساوريلان اينجى، چاريق اولموش آياغيندا
وحى دير شعري ملك لردى پيچيلدار قولاندا
شهدى وار بال دوداندا

او دا داغلار كيمي شانينده نه يازسام ياراشاندير
او دا ظاليم قوپاران قارلا-كوله كله دوروشاندير
قودوزا، ظاليمه قارشى سینه گرميش، ووروشاندير
قودوزون كؤكونه، ظاليم بيره لر تگه داراشاندير
آما واختيندا فقير خالقى ايلميش سوروشاندير
قارا ميلله تده هونر بولسا، هونرله آراشاندير
قارالارلا قاريشاندير
ساريشاندير

گنجه حقيقي گوزودور، تور توره تميش اوجاندا
اربييب باغ تگه اوره كلردى يانارلار چيراندا
مئى، محبتدن ايچيب لاله بيتيدير ياناندا
او بير اوغلان كى، پرى لر سو ايچه رلر چاناندا
اينجى قاينار بولاندا
طبعى بير سئوگى لى بولبول كى، اوخور گول بولاندا
سارى سونبول قوجاندا

سولار افسانه دى سۇيلىر اونون افسونلو باغيندا
سحه رين چنلى چاغيندا

شاعيرين ذوقو، نه افسونلو نه افسانه لى باغلار
آى نه باغلار كى "اليغ لئىلى" دا افسانه ده باغلار
اود ياخيپ داغلارى داغلار
گول گولورسه بولاغ آغلار

شاعيرين عالمى اۆلمز، اونا عالم ده زوال يوخ
آرزىلار اوردا نه خاطيرله يه ايمكاندى، محال يوخ
باغ جنت كيمي اوردا "بو حارامدير، بو حالال" يوخ
او محبتده ملال يوخ
اوردا حالدير، داها قال يوخ

گئجه لر اوردا گوموش دندى، قيزيلدان نه گونوزلر
نه زمرد كيمي داغلاردى، نه مرمير كيمي دوزلر
نه سارى تئلى اينه كلر، نه آلا گۆزلو اؤكوزلر
آى نئجه آى كيمي اوزلر

گول آغاچلارى نه طاووس كيمي چترين آچيب الوان
حله كروانيدى، چۆللر بزه نر سورسه بو كروان
دوه كروانى ده داغلار، يوكو اطلس دى بو جئوان
صابيرين شهرينه دوغرو، قاتارى چكمه ده سروان
او خياليمده كى شيروان

اوردا قار دا ياغار آمما داها گوللر سولا بيلمز
بو طبيعت او طراوتده ماحالدير، اول بيلمز
عؤمر پئيمانه سى اوردا دولا بيلمز

او اوفوقلرده باخارسان نه دنيزلر، نه بوغازلار
نه پرى لر كيمي قولار، قونوب-اوچماقدا نه قازلار
گولده چيممه كده نه قيزلار

باليق اولدوز كيمي گوللرده، دنيزلرده پاريلدار
آبشار موروريسين سئل كيمي توكدوكده خاريلدار
يئل كوشولدار، سو شاريلدار

قصريلر واردى قيزيلدان، قالالار واردى عقيق دن
رافائيل تابلوسى تگك، صحنه لرى عهد-عتيق دن
دويماسان كوهنه رفيق دن

جنتين باغلارى تگك باغلارينين حورو قوصورو
الده حوريلرى نين جامى بولورى
تونگونون گول كيمي صهباي تهورى
نه ماراقلار كى، آييق گوزلره رويادى دنئيرسن
نه شافاقلار كى، ديرن باخمادا دريادى دنئيرسن
اويدوران جنت ماوادى دنئيرسن

زوهره نين قصرى بيريليان، حصارى نرده سى ياقوت
قصرى جادودى، موهنديس لرى هاروت ايله ماروت
اوردا مانى دايانيب قالميش او صورتلره مبهوت
قاپى قوللو قچوسو هاروت

اوردا شعرين موزيكين منبعى سرچشمه دى قاينار
نه پرى لر كيمي فواره دن افشان اولوب اوينار
شاعير آنجاق اونو آنلار

دولو مھتاب كيمي ايستخريدى فواره لر ايله
ملكه اوردا چيمير، آى كيمي مھپاره لر ايله
گوللو گوشواره لر ايله

شعر و موسيقى شاپاش اولمادا، افشاندى پریشان
سانكى آغ شاهيدير اولماقدا گلین باشینا افشان
نه گلینلر کی، نه انلیک اوزه سورترلر، نه کیرشان
یاخا نه تولکو نه دووشان

آغ پری لر، ساری کؤینه کلی بولودلاردان ائیرلر
سود گؤلونده ملکه ایله چیمرکن سئوینیرلر
سئوینیرلر، اؤیونورلر
قووزاناندا هله الدهه دولو بیر جام آپاریرلار
سانكى چنگی لر، شاعیرلره ایلهام آپاریرلار
دریا قیزلارینا پییغام آپاریرلار
دنیزین اؤرتویو ماوی، اوفوقون سقعی سماوی
آینادیر هر نه باخیرسان: یئر اولوب گؤیله موساوی
غرق اونون شعرینه راوی

غورفه لر، آی، بولود آلتیندا اولار تک گؤرونورلر
گؤز آچیب-یومما، چیراغلار کیمی یانديقدا سؤنورلر
صحنه لر چرخى فلک تک بورونوب، گاه دا چؤنورلر
کؤلگه لیکلر سورونورلر

زوهره ائیواندا الهه شینئیلینده گؤرونرکن
باخسان حافظی ده اوردا صلابتله گؤره رسن
نه سئورسن

گاه گؤره ن حافظ شیراز ایله بالکاندا دوروبلار
گاه گؤره ن اورتادا شطرنج قورارکن اوتوروبلار
گاه گؤره ن سازيله-آوازیله ایله نجه قوروبلار
سانكى ساغرده ووروبلار

خواجه الحان اوخویاندا، هامی ایشده ن دایانیرلار
او نوالرله پری لر گاه اویوبغے گاه اویانیرلار

لاله لر شعله سی، الوان شیشه رنگی بویانیرلار

نه خومار گۆزلو یانیرلار

قاناد ایستر بو اوفوق، قوی قالا ترانلی سهندیم

اٚشیت اؤز قیصه می، دستانیمی، دستانلی سهندیم

سنی حئیدر بابا او نعره لر ایله چاغیراندا

او سفیل داردان قالدان تولکو قووان شئر باغیراندا

شئیطانین شیلاغا قالخان قاتیری نوخدا قیراندا

بابا قورقور سسین آلدیم، دئدیم آرخامدی ایناندیم

آرخا دوردوقدا سهندیم ساوالان تک هاوالاندیم

سئله قارشی قووالاندیم

جوشقونون دا قانی داشدی، منه بیر هایلی سس اولدو

هر سسیز بیر نفس اولدو

باکی داغلاری دا، های وئردی سسه، قیعا اوجالدی

او تاییین نعره سی سانکی بو تایدان دا باج آلدی

قورد آجالدیقدا قوجالدی

راحیمین نعره سی قووزاندی دییه ن توپلار آتیلدی

سئی گلیب نهره قاتیلدی

روستمین توپلاری سسلندی دییه ن بوملار آچیلدی

بیزه گول-غونچه ساچیلدی

قورخما گلدیم دییه، سسلرده منه جان دئدی قارداش

منه جان-جان دییه رک، دو شمنه قان-قان دئدی قارداش

شهریار سؤیله مه دن گاه منه سولتان دئدی قارداش

من ده جانیم چیغیریب: جان سنه قوربان دئدی قارداش

یاشا اوغلان سیزه داغ-داش دلی جنیران دئدی قارداش

اٚل سیزه قافلان دئدی قارداش

داغ سیزه آسلان دئدی قارداش

داغلی حئیدر بابانین آرخاسی هر یئرده داغ اولدو

داغا داغلار دایاغ اولدو

آرازیم آینا-چیراق قویمادا، آیدین شافاق اولدو
او تایین نغمه سی قووزاندی، اوره کله قولاغ اولدو
یئنه قارداش دییه رکه قاچمادا باشلار آیاق اولدو
قاچدیق، اوزله شدیک آرازدا، یئنه گۆزله بولاغ اولدو
یئنه غملىر قلاق اولدو

یئنه قارداش سایغی سۆزلریمیز بیر سایاق اولدو
وصل اییین آلمادا، ال چاتمادی عشقیم داماغ اولدو
هله لیک غم سارالارکن قارالار دؤندو آغ اولدو
آرازین سو گۆلو داشدی، قایالیقلاردا باغ اولدو
ساری سونبوللره زولف ایچره اوراقلار داراق اولدو
یونجالیقلار یئنه بیلدیرچینه یای-یاز یاتاغ اولدو
گۆزده یاشلار چیراغ اولدو
لاله بیتدی یاناغ اولدو
غونچا گولده دوداق اولدو
نه سول اولدو، نه ساغ اولدو

ائلیمی آرخامی گۆردوکده قالیم اووچو قیسیلدی
سئل کیمی قولمو باسیلدی، زینه آرخ اولدو، کسیلدی
گول گۆزونده ن یاشی سیلدی
تور قوران اووچو آتبن قوومادا سیندی، گئری قالدی
اؤزو گئتدی تورو قالدی

آمما حییدربابا دا بیلدی کی، بیز تک هامی داغلار
باغلانیب قول-قولا زنجیرده بولودلار اودور آغلار
نه بیلیم بلکه طبیعت اؤزو نامرده گون آغلار
ایری یوللاری آچارکن، دوز اولان قوللاری باغلار
صاف اولان سینه نی داغلار
داغلارین هر نه قوچو، ترلانی، جئیرانی، مارالی
هامی دوشگون، هامی پوزغون، سینه لر داغلی، یارالی
گول آچان یئرده سارالی

آمما ظن ائتمه کی، داغلار یئنه قالخان اولاجاقدير
محشر اولماقدادی بونلار داها وولقان اولاجاقدير
ظولم دونیاسی یانارکن ده تیلیت قان اولاجاقدير
وای ...! نه توفان اولاجاقدير

دئدین: آذر ائلینین بیر یارالی نیسگیلی یم من
نیسگیل اولسامدا گولوم بیر ابدی سئوگیلی یم من
ائل منی آتسادا اؤز گوللریمین بولبولو یم من
ائلیمین فارساجادا دردینی سؤیله دیلی یم من
دینه دوغرو نه قارانلیق ایسه ائل مشعلی یم من
ادبیات گولو یم من

نیسگیل اول چرچی یه قالسین کی جواهر ندی قانمیر
مدنیته دبین ائلیله بدویت، بیر اوتانمیر
گون گئدیر آزا قالا باتسین گئجه سینده ن بیر اویانمیر
بیر اؤز احوالینا یانمیر
آتار اینسانلیغی آمما یالان انسابی آتانماز
فیتنه قووزانماسا بیر گون گئجه آسوده یاتانماز
باشی باشلارا قاتانماز

آمما منده ن ساری، سن آرخایین اول شانلی سهندیم
دلی جئیرانلی سهندیم
من داها عرش علا کؤلگه سی تک باشدا تاجیم وار
الده موسی کیمی فرعونه قنیم بیر آغاجیم وار
حرجیم یوخ، فرجیم وار
من علی اوغلو یام آزاده لرین مرد و مورادی
او قارانلیقلارا مشعل
او ایشیقلیقلارا هادی
حقیقه ایمانه مونادی
باشدا سینماز سیپه ریم، الده کوتلمز قیلیجیم وار